

Bemba - Ifisuma Amano Malembo Yamushilo - Good Mind Scriptures

Abena Levi 24:12 Elyo bamubikile mukulindwa mpaka bakomfwe ifyo Yawe akabeba ukucita.

Amafunde 18:6 "Ngo mwina Levi afuma mu musumba wenu umo uwa mu Israeli umo ekala, aisa mukuitemenwa umwine ku ncende iyo Yawe akasala,

Ruti 1:18 Naomi ilyo amona ukuti Ruti ali uwashangila mukuya nankwe, alekele ukulamupapata ukubwelelam.

1 Imilandu 28:9 "Kabili iwe, we mwana wandi Solomoni, ishiba Lesa wakwa wiso, ulemubombela no mutima obe onse uwacishinka, elyo na mano yakuitemenwa. Pantu Yawe alafwailisha ifya muli cila mutima no kwishibisha akantu konse akali kunuma ya matontonkanyo. Nga cakuti wamufwaya, uli nokumusanga. Lelo nga cakuti wamutaluka, ali nokukukaana umuyayaya.

Nehemia 4:6 Kanshi twakuula ilinga mpaka twalifishafye na pakati ka butali bwaliko, pantu abantu abalebomba mukukuula bali abaikatana imitima mu mulimo wakukuula.

Yobo 23:13 "Lelo Lesa nga apingula ukucita icintu icili conse, bushe nani uwingamulesha? Ico umutima wakwe wafwaya eco umwine acita.

Amapinda 29:11 Icipuba cilalanga apapela icipyu caciko, lelo umuntu wamano ena aleesha ukukankatisha icipyu cakwe.

Esaya 26:3 We Yawe, abantu ababikisha amano kuli iwe, kabili abakutetekela, ulabalenga ukwikala mu mutelwelwe uwine wine.

Mako 5:15 Ilyo bafika kuli Yesu, basanga umuntu uwali no mulalo wa mipashi yakowela naikala nafwala, na mano yonse nayabwela. Awe umwenso wabekata.

Luka 8:35 Abantu epakuya kukumona ificitike. Cilya bafika kuli Yesu, basanga umuntu umwafumine imipashi yakowela naikala lwa pa makasa yakwa Yesu. Basanga nafwala, na mano yonse nayabwela. Awe umwenso wabekata.

Imilimo 17:11 Mu Belea mwena Abayuda bali ne cumfwilo ukucila aba ku Tesalonika. Awe bena basampuka nganshi mukupokelela amashiwi yakwa Lesa. Cila bushiku balapituluka mu Malembo Yamushilo, pakumona ngefyo Paulo alelanda fyacishinka.

Imilimo 20:19 Nangu Abayuda bancushishe nganshi kufyo balepangila, lelo nalebomba ngo mubomfi wa Mfumu, uwaicefyne filambapo.

Roma 7:25 Lesa nakutotela, pa mulandu wakwa Yesu Kristu Imfumu yesu. Kanshi ifi efyo caba kuli ine. Mu mutima wandi ndafwaya ukubombela Lesa, nomba bumuntu bwandi bwena bufwayafye ukubombela ububifi.

Roma 8:6 Umuntu ue amano yakwe yabafye pa fyabuntunse, ninshi ni mfwa

afwaya. Lelo umuntu uo amano yakwe yaba pali Mupashi, wena ashukila umweo no mutende!

Roma 8:27 Na Lesa uumona fyonse ifya mu mitima ya bantu, alishiba ifyo Mupashi afwaya. Pantu Mupashi alapapatilako abantu kuli Lesa ukulingana nefyo Lesa afwaya.

Roma 11:34 Nani waishiba ifitontonkanya Imfumu? Nani watala apandako Imfumu amano?

Roma 12:2 Mwilapashanya myendele yenu ku myendele ya bantu ba pano calo. Mutole amano yapya pakuti mwalule imyendele yenu. Lyena ninshi mukeshiba ifyo Lesa afwaya, ifyawama, ifimusansamusha, kabili ifyapwililiika.

Roma 12:16 Muleba ne cikuuku kuli bonse. Mwiba na cilumba, lelo muletemwa no kwikala na balanda bene. Mwilaitunga ukuba abamano.

Roma 14:5 Abantu bambo kuti batontonkanya ukuti inshiku shimo shalicindama ukucila ishibiye, bambi bena baleti inshiku shonse shabafye cimo cine. Cila muntu ali nokushininkisha ukuti ico aletontonkanya e cishinka.

Roma 15:6 Epakuti bonse capamo ne shiwi limo mulelumbanya Lesa, Wishi wa Mfumu yesu Yesu Kristu.

1 Kolinti 1:10 Mwe bamunyinane, ndemupapata bonse ku maka ya Mfumu yesu Yesu Kristu ukuti muleumfwana, epakuti kwilaba kupatulukana apo muli. Muli nokuba abaikatana pamo mu mitontonkanishishe yenu kabili aba mutima umo.

1 Kolinti 2:16 Efyo calembwa ukuti, “Nani uwaishiba amano ya Mfumu? Nani uwingapandako Imfumu amano?” Lelo kwena ifwe twalikwata amano yakwa Kristu.

2 Kolinti 7:7 Twalikoseleshiweko te pa mulandufye wakwisa kwakwe, lelo kabili twalikoseleshiwe na pafyo atushimikile pafyo mwamukoselesheko. Aishile tushimikilako nokuti mulefwaya tukamonane na imwe. Atushimikileko nefyo muli no bulanda, nefyo mulebombesha nganshi pakumpokololako. Awe ici canengele nomba ukuba ne nsansa nganshi.

2 Kolinti 8:12 Nga cine cine mulefwaya ukupeela, Lesa akapokelela ubupe bwenu mwapeela ukulingana napo mukwatile, te pa fintu mushikwete.

2 Kolinti 9:2 Nalishiba ukuti mulafwaisha ukwafwa. Kanshi eico mutashisha ku bantu ba mu Makedonia. Ndabeba ukuti abanenu mu Akaia bena batendeke umulimo wakwafwilishako uyu mwaka wapwile. Kanshi ukucincila kwenu nakulenga abengi pali bena babe abacincila.

2 Kolinti 13:11 Bamunyinane, pakulekelesha ndeti shalenipo! Muleesha ukuba abapwililiika. Mulekonka ifyo mwebele. Mube aba mutima umo, muleikala mu mutende na banenu. Kabili Lesa uwacitemwiko, kabili uwamutende, engalaba na imwe.

Efeso 4:23 Imitima yenu na mano yenu fisanguke ifipyia.

Filipi 2:2,3 Kanshi akundeteleni insansa ishine shine mukuba na mano yamo

yene, abatemwana, kibili ababombela pamo no mutima umo. 3 Mwilacita nelyo cimo pa mulandu wakitemwa nangu ukuitutumuna ku cilumba, lelo muleicefy a ku banenu, lyonse mulemona ukuti abanenu nabacilapo pafyo mwaba.

Filipi 4:2 Yuodia na Suntuke ndemupapata ukuti muleumfwana apo bonse mwaampana ne Mfumu.

Filipi 4:7 Elyo no mutende wakwe Lesa, uwacila amano ya bantu, ukasunga bwino bwino imitima yenu na mano yenu ico mwaba muli Kristu Yesu.

Kolose 3:12 Imwe muli basalwa bakwa Lesa, abamushilo kibili abo atemwa. Kanshi nomba toleni imisango iyalinga, muleba abaluse, abacikuuku, abafuuka, abamutembo no mutekatima.

2 Tesalonika 2:2 Kanshi tulemupapata mwe bamunyinefwe ukuti, mwilatunsha mitima nangu ukuba no mwenso bamo nga batila, Ubushiku bwa Mfumu nabufika. Nalimo kuti mwatontonkanya ukuti mupashi ewalanda ifyo nangu nifwe twafunda nangu twalemba ifyo muli kalata, awe iyoo.

2 Timote 1:7 Pantu Mupashi Lesa atupeela tewakulenga ukuti tube no mwenso, lelo ni Mupashi wakutupeela amaka, icitemwiko, no mutekatima.

Tito 2:6 Eifyo fine na balumendo nabo, ulebacincisha ukuba abatekanya.

Bahibulu 8:10 ‘Ici e cipangano nkapangana na ba ɻanda yakwa Israeli, ilyo isho nshiku shikapita. Ine ne Mfumu ndesosa nati, nkabika amafunde yandi mu mano yabo, kibili nkayalemba na mu mitima yabo. Ine nkaba Lesa wabo, elyo nabo bakaba abantu bandi.

1 Petelo 1:13 Kanshi mu mitima yenu mube abaiteyanya kukubomba. Muletakanya, mulesubilafye pa maka mu cikuuku cikamwishila ilyo Yesu Kristu akasokoloka.

1 Petelo 5:2 Kanshi mulecema umukuni uo Lesa amupeela ukwangalila, teico pantu muli nokubomba lelo nico mulefwaya ukubomba ifyo Lesa alefwaya mubombe. Mwilabomba icofye mulefwaya amalipilo iyoo, lelo mulebomba ico mulefwaisha ukutumika.

2 Petelo 3:1 Mwe batemwishi bandi, uyu e kalata wabubili namulembela. Mu makalata aya yonse yabili ndemwibukishako ifi fintu pakuti muleba na matontonkayo yasuma.

Ubusokololo 17:9 “Apa pantu palefwaikwa amano no kwiluka. Imitwe cine lubali, e mpili cine lubali apo umwanakasho ekala, kibili e shamfumu cine lubali.